

續修四庫全書

《續修四庫全書》編纂委員會編

續修四庫全書

上海古籍出版社

一四五〇・集部・別集類

靈巖山人詩集四十卷〔清〕畢沅撰……………一

夢樓詩集二十四卷〔清〕王文治撰……………四〇一

嚴東有詩集十卷〔清〕嚴長明撰……………六〇五

嘉慶己未秋鐫

靈巖山人詩集

經訓堂藏板

靈巖山人夙秉異才幼承母訓於聲詩一事既童而習之矣迨魁天下官侍從遍讀石渠天祿之書又日晡機地周知各邊塞戰守屯墾諸務才練而識遠視古所謂胸藏十萬兵者不當過之此其作詩之根柢也今讀其度隴以來吟草意氣激昂情文悱惻奇則石破天驚正則珠和玉潤調高響逸神味不窮若夫憑高遠眺望古遙集以囊括萬有之心胸抒寫絕千秋之議論行間茂密字裏鏗鏘摘其片語單詞俱可卓然不朽至於憂心早虐蒿目民艱述事感懷陳規僚友卽鄭監門之繪流民元使君之咏賊退無以喻其剴切也惟其忠孝性生刻以不負君親爲念故一

靈巖山人詩集序

一

誠之積可以感天地而泣鬼神以之籲冥漠則甘霖立沛以之陳

黼辰則濺澤頻施洵有若操左契不期然而然者秦隴數千里間之民夷婦子罔不飲和食德慶再生焉其以培國家萬年之元氣而裕一門數十世之福澤者胥於是乎卜之矣他如前星夜殞長吟弔溫序之忠曉鏡春分永嘆深安仁之悼看雲憶弟夢破孤鐙陟屺思親情牽愛日祖德有述陸機作賦之年勵志爲詩韋孟傳經之歲胥其忠孝之緒餘發爲彝倫之鼓吹此名教中自有樂地而風雅後不乏替人者也世之論靈巖詩者鮮不以浣花一瓣香推之謂有神似而非貌似允矣然不知其所以神似者詎僅

由其書之富筆之健已哉實原本於性情之真乃致此也予弱冠游京師周旋於前輩諸老先生壇坫者久聞其緒論麤知津逮頃從南中解組東歸徬徨歧路靈巖體慈志相迎至署椒盤共對白首言懽衣我以豐貂之裘飲我以參苓之劑疾痛癢動息相關岐西養老之仁既優且渥非其愛親敬長之思周流旁浹烏能懇至若是哉爰書所見於簡端以質天下後世之知言者乾隆四十二年丁酉首春石湖息園老人張鳳孫識於西安節署

靈巖山人詩集序

士

靈巖山人詩集序

主

學之無盡境也業已勝於人而取於人將謂天下之美盡在是矣於此而殫才抑志冥搜獨往必欲升古作者之堂則甚難業已升古作者之堂矣又必欲怵心剴胃擷古作者之菁英而蕩滌其膚翳戛戛然呈露一己之面目俾古之人皆爲我用而不受驅使於古人則更難今夫窮居巖穴之士沉幽寂寞日以撰述爲事有所感觸輒寄諸篇什於是嗇其身以昌其詩寬其詩以成其學所謂窮而後工者求之古今亦未數數然矣若乃擢巍科登顯仕數十年歟歷中外百僚待其師資蒼生待其撫鞠此雖親鉛槧近卷帙或有所未暇而況摘隱抉微形諸歌詠探奇境於古人所未能到闢密義於古人所未及見恢廓淳深日新富有不亦難哉不亦難哉余庚辰同年進士多才儁之士其以能詩稱者尤衆靈巖山人揖讓其閒絕不少自表暴雖座主蔣文恪公秦文恭公諸老宿皆以公輔許山人山人今日之所措注諸公若前知者然於詩或未盡知也余束髮卽學爲詩在京師交遊跌宕靡所不至而於詩獨深自韜晦故與山人昕夕聚首亦未嘗深言詩也乾隆五十五年春正月余訪山人於武昌督署始獲受山人之詩而盡讀之乍讀而駭繼讀而喜卒讀而恂悅飄忽如遊蓬萊方丈仙人之宮金庭局而雲海靜也俶詭變化如海濤驟至雷霆震驚龍戰元黃羣怪出沒金鐵錚而風雨晦也雲然如有所悲愉然如有所樂凜然如有所畏介然如有所

得爽然如有所亡自男女慕悅夢紅泣綠之情以達於君臣父子昆弟之大靡不形其肫摯焉自卉木禽魚春風秋月之狀以達於天地民物古今成敗之蹟靡不歸其陶冶焉蓋本之性情者至厚根之經史者至深助之以風雲嶽瀆之奇澹之以喜怒哀樂之變然後伐毛洗髓鍛鍊而成詩噫觀止矣夫天下事得之速者其傳必不久合之易者其契必不深山人之以詩稱及余與山人交皆三十年以前事迄於今年皆六十餘矣始能徐然盡出所爲詩以相質證然則山人之所以自待與所以待其友者何如深且遠耶山人於經義史籍天文地志下逮百家雜技之類俱通貫而纂輯之詩特其一端也乾隆五十五年歲在庚

靈巖山人詩集序

四

戊夏四月既望年愚弟丹徒王文治頓首拜撰

靈巖山人詩集目錄

第一卷 古今體詩

硯山怡雲集

關逢困敦

琴操三章

題靈巖山館壁

古劍篇

玉階怨

采蓮曲

秋夜行婁江道中

寒山別墅遇王丈日初

賦贈

靈巖山人詩集卷十目錄

十

虎邱步月坐千人石試第三泉

渡海吟

樂郊園十二景題沈子居畫冊

春曉臺

藻野堂

松閣

霞外

帆影樓

涼心堂

掃花庵

就花亭

浣香徑

田舍

竹屋

雪齋

詠井上古柏

旃蒙赤奮若

硯石山房

虎邱冶春詞十首 有序

折花曲

更衣曲

香夢齋春日雨中作

靈巖山詩集卷一 目錄

二

題徐徵君俟齋畫靈巖山圖卽用前韻

幽居再用前韻

楊編修文叔 繩武 先生索觀近製親爲評點獎

偕倍至卽座賦呈

遊馬鞍山登文筆峯展眺

月夜聽琴

訪隱者不遇

冬日郊行

柔兆攝提格

早春園梅欲放喜而有作

失釵怨

詠玉環

初夏

蕉花詩 有序

題惲南田瑤臺豔雪圖爲劒飛二弟 灋 作

秋夜宿靜然上人房題壁

將遊西山書示同社諸子

吳企晉 泰來 邀李丈客山 果 王鳳喈 鳴盛 錢曉

徵大斯 趙損之 文哲 王蘭泉 和曹來殷 仁虎

集聽雨簷小飲卽席有作

盛丈青嘯 錦 出示蜀道集卽題卷後

月

靈巖山詩集卷一 目錄

三

蒿里曲三首

贈顧行人抱桐 陳埏 先生

菊影

夜宿拈花寺

米南宮漢玉筆山歌

和諸竹莊 世器 表兄村居詩

歲暮山齋題壁

雜詩

紅梅

綠萼梅

自題慈闈授詩圖四首 有序

靈巖山人詩集卷一

硯山怡雲集

閑逢困敦

琴操三章

月明霜林小山碧陰無有萬籟曠然遠尋抱琴獨往閱音
沖襟非求絃聲思是德情君子有行以微其金有感有觸
以和其心
以和其心以繕其性以誠蒼生各正性命匹夫優爲堯舜
猶病匪事易能厥理可證空山無人杳非塵境八荒橫陳
萬古豎互

靈巖山人詩集卷一

十一

何古今葆素蘊真溫如玉肅若明神元風恬憚品物
熙春遠山迢迢流水粼粼樂水樂山曰惟知仁吾聆其聲
吾見其人

題靈巖山館壁

梧宮故苑硯石名山石城巉巉香水潺潺我有板屋十間
五間竹簾不捲木榻常閒梅花壓磴古苔爛斑白雲數片
無心往還一琴一拂不隱不官長卿慢世參軍閉關

古劍篇

寶虹洩靈秘灑削太乙使天陰嘯匣中冷光透千里霜飛
鬼魅愁月蝕蛟龍死壯士一寸心湛湛照秋水

玉階怨

鎮洋畢沅秋帆一字
懷衡

采蓮曲

瑤砌蒼苔滑珠簾夜氣沈泥人明月影轉入百花深
采蓮女雙漿泊銀塘雲約藕絲裳清江十里香笑掬荷珠
翻不定紅粉飄零如妾命豔影太縱橫風波一葉輕妾身
輕花情重芙蓉心鴛鴦夢

秋夜行婁江道中

空罾絡殘月斷岸無人行幾枝疎柳邊微逗漁燈青水村
半荒落竹扉向宵扃不聞人語響但聞犬吠聲蕭然乍寒
意寫出江天清幽懷縱孤棹寂景澄空冥更關襟袖溼篷
背霜華明

寒山別墅遇王丈曰初 賦贈

靈巖山人詩集卷一

二

高人手蹟壁間遺勝地遊同老畫師空谷馳烟猶有驛池
石壁鐫趙凡夫手
書題烟驛三隸字
孤亭聽雪可無詩
千尺雪有
亭名聽雪
狀奇石作蛟拏勢

格古梅成鶴瘦枝
法螺庵前老梅二株係
先生手植花開甚盛
山色僧窻真入畫乞圖

支許並酬辭
許翺辭圖

虎邱步月坐千人石試第三泉

石盤陀寫一天秋山冷泉香帶月浮松韻長風喧蟹眼雲
腴小壁煮龍頭元豐撓向新芽揀陸羽名從舊譜搜皓魄
未沈花未落題詩重上仰蘇樓

渡海吟

金鳥飛著危檣頂驚濤汨沒扶桑影颿車御空穿龍滯鵬
翼低垂鰲足迴浪頭山立迴罡風沈沈元氣磅礴乎其中

紫瀾狂翻地軸裂赤縣環蔽天池窮蒼茫萬象歸一瞬恍
如送我直到混沌未鑿之鴻濛笑予藐然滄海飄一粟天
吳跳舞陽侯哭賦心那有讓木華隱蹟底須問梅福上窮
九天下九淵貝闕鮫宮卽我屋披襟擊楫發浩歌仰看雙
丸如轉轂自有飛仙在世間等閒海水爭一掬同舟告知
音聆我渡海吟奇士輕履險孝子重臨深壺中日月儘足
供游戲幾時采藥遍歷三山岑成連海上或可遇水仙一
弄聊寄三尺紫綺之瓊琴琴停潮落渺無極六合之外論
不得魚龍安宅客乘槎水天萬古荒荒色

樂郊園十二景題沈子居畫冊

春曉臺

靈巖山詩集卷一

三

豔陽迴霽景百物總關情秋千人影外柳暗有鶯聲

藻野堂

殿春春益麗浩態錦幃遮姚黃傳異種忠孝相公家

松閣

羣松翳小閣陰晦日卓午松翠自四時松心自千古

霞外

蓬瀛收咫尺縹緲翠壁削麗景薄層雲飛仙何處著

帆影樓

海氣連東渤空濛島嶼微月明潮暗上林外片帆飛

涼心堂

身涼一扇忙心涼萬緣捨快哉此披襟聊砭執熱者

掃花庵

落紅陣陣飛春逐風雨去不見掃花人來到掃花處

就花亭

曉來對花餐晚來抱花宿滄桑劫外人消受看花福

浣香徑

幽香淡不流流蕩會心寫空谷雨聲喧紅泉滿階下

田舍

茅屋傍溪西前村草色齊莫問故侯第秋雨荒瓜畦

竹屋

精廬嵌脩竹宛入簣簣谷木榻幽人眠吟魂閃寒綠

雪齋

靈巖山詩集卷一

四

四望色慘淡千峯起悲風扁舟洞簫聲鶴夢追坡公

詠井上古柏

龍蛻藏金井無波貯一天蒼根纏斷縷翠影滴寒泉惠世

資人養穿雲得地全予心鑒止水靜照湛雙圓

旃蒙赤奮若

硯石山房

書堂背山麓上有桃花樹石窻窻下泉流作紅雲去

虎邱冶春詞十首有序

花天佛地香國人家占佳麗之溪山逢豔陽之節序

魚腸沈霸業劍氣晨飛駕冢弔芳魂鬼燈夜出荇當

蕙風初暢梅雪纔消掄花信之番番恨酒人之落落

滿座珠歌翠舞且往觀乎方春草長鶯啼維其時矣
琴尊小隊欣邀結佩之盟鉤易聯羣好趁湔褻之會
綠楊村外金釵添幾架秋千紅燭光中玉笛擲新翻
子夜萬花裝成錦繡百戲衍出魚龍碧落銀蟾寫月
臺之鬢影清波畫鷁咽水閣之簫聲錦衾夢亦荒唐
瓊管詞添旖旎雕梁燕子窺翠箔而舊壘全非流水
桃花問仙源而伊人宛在一片雨香雲宕難浣情塵
三更月落歌殘頓成夢幻感傷春之杜牧幾人憐填
海冤禽聽說法于生公或我是點頭頑石聊吟麗句
爰志清遊偶當對酒之歌用譜采春之曲

靈巖山人詩集卷一

五

人消瘦杏花肥

平隄芳草碧芊芊香氣膏騰中酒天明月也隨歌管去夜

深還照麗人船

酒旗低颺真娘墓茶室斜臨鶴澗濱檻外鶯花花外月安

排總待討春人

綺陌相逢拾翠人輕盈流盼笑疑嗔風吹鬢影和花影撩

亂心情認不真

上已湔褻祓事修女郎連袂趁嬉遊銀塘無限垂垂柳怕

結同心不到頭

榆莢錢輕難買笑海棠絲亂解縈愁珠簾一桁垂銀蒜不

許飛花入畫樓

綠陰深處好藏鴉斟酌橋邊蕩槳斜錯怨錦屏遮六六當
筵睂語勝天涯

寶玦瓊鉤白袷輕詩題摺扇贈卿卿三年鄭重攜懷袖零
字猶應識姓名

錦瑟年華轉眼非生香微逗紫綃衣夢闌金粉飄零盡化
作雙雙鳳子飛

旖旎風情淡沱天珽窻消息鎖嬋娟漫將玉枕紅氍淚傾
向春波也枉然

折花曲

曙色纔分百舌啼數聲喚醒紅樓夢花事關心急曉妝開
帷不管春寒重文杏雙株映曲池含情待折又遲遲周遭

靈巖山人詩集卷一

六

繞樹頻翹首揀取將開蓓蕾枝纖纖素手搖金釧梢頭驚
起銜花燕幹老條生腕力微掣動紅英落如霰持歸繡閣
伴蕭辰玉几銀屏劇可人風雨夜來聊自慰綠窻留住一
分春

更衣曲

脈脈明蟾挂庭樹踏青女伴登車去鳳脰長檠燭兩行侍
兒引入更衣處團花貼地毼毼紅曲房畫掩小雕櫳杏黃
衫子熏籠覆漠漠香生石葉濃玉纓珠襍秋雲帔零星卸
搭珊瑚架睡常不寐坐無聊愁絕江南寒食夜

香夢齋春日雨中作

閒居雨亦佳況復在幽谷天然入圖畫松樹老連屋舊醅

濁可傾奇書熟仍讀知有春苔生庭泥意先綠

題徐徵君俟齋畫靈巖山圖卽用前韻

應是隱者居屏迹向深谷四林風雨來波濤撼破屋書窻燈影紅何人夜猶讀曉起過山橋溪水如雲綠

幽居再用前韻

愛山學畫山寄情在崖谷泉聲松影間布置數椽屋息機耽習靜有書亦嬾讀笑指畫中山春風吹不綠

楊編修文叔

繩武

先生索觀近製親爲評點獎借

倍至卽座賦呈

綠衣隅侍最情親光霽襟期似飲醇門地東林鉤黨裔文章南國總持身汗青垂老書初就頭白憐才意更真海內

靈巖山詩集卷一

七

靈光遺一老

仁皇親策第三人

遊馬鞍山登文筆峯展眺

澤國走平沙見山等奇貨碧雲森瑤簪螺髻現一箇漸覺奇情賒難餓窮眼餓勢爭培塿高意敵嵩華大石徑穿楓林路迴峯顧左探勝追憚勞涉險有辭慳非猿訝升木似蟻任緣磨登高求欲速趾錯迭窘挫牽藤捫樹行十步欲九坐秋葉滿空山暫掃磐石臥百折出孱顏同人競稱賀上有古珠宮沙彌嚴戒課窰堵插霄漢傳是般仙作穿暗倏通明雲煙腳底簸魂怯風輪旋手過日馭過賈勇立峯頂翠壁苔痕浣拂拭待題詩後恐無人和江郎夢一枝擲

去星斗破

月夜聽琴

虛庭貯涼月石几橫桂陰天風出冥際寫此太古音我母精琴理理在絃外尋一彈咽淒蟲再彈鳴栖禽冷然萬籟寂四座儼正襟山高而水流俯仰暢登臨如遇古仙人丹經旨互參草花秋淡淡書檠影沈沈琴絃露華溼不知夜已深

訪隱者不遇

煙波投老作漁翁家住吳淞東復東秋水到門人上市荻花灘外一罾空

冬日郊行

靈巖山詩集卷一

八

散目郊原踏淺沙偶裁詩句手頻叉山容慘淡天將雪籬角荒寒梅孕花僻徑葉乾問野鼠孤村風緊入昏鴉舉頭更助游人興布幔斜飛賣酒家

柔兆攝提格

早春園梅欲放喜而有作

晴雪因風上曉枝偶開琴閣坐移時香聞了徹塵空後應認梅花作導師

失釵怨

豪門召釵工朝朝換新式貧女汲井墜銀釵一生照影無顏色

詠玉環

博雪凝脂竟體完潔貞終始抱團團名應仙籍真妃得賜
許窮荒逐客歡雜佩鏗鏘鳴有節畫簾宛轉恨無端須知
一寸相思意慧劍雖靈割斷難

初夏

架上親齊甲乙籤堂虛風冷索衣添殘春晴好無三日高
樹陰濃正一簾酒量獨斟疑忽小詩題次韻不妨嚴倚闌
未免生惆悵牆腳殘花水半淹

蕉花詩有序

紅蕉書館前庭忽放蕉花一朶狀大如斗日舒一瓣
現黃金色殷麗溢目芬芳襲人清晨也凝甘露味甚
恬美自夏徂冬榮而不萎同人以爲文字之祥賦詩

靈巖人詩卷一

九

紀異余亦欣然有作

膽瓶鳳尾墨前聞忽報奇葩小院分瓣瓣金蓮輝寶相朝
朝瓊露浥甘芬紅窻展卷花如火綠硯臨池影似雲慚愧
懷中無彩筆空談靈瑞在斯文

題憚南田瑤臺雪圖爲劍飛二弟龍作

樹頭殘雪入虛室三尺冰綃萬花溢寫梅寫意兼寫香香
在畫師心底出南田草衣妙入神邊黃夢予生花筆粉本
得自香雪海香耶雪耶混爲一南枝北枝紛掩映千朶萬
朶互蒙密移來名種定蓬瀛飛去瓊華麗景霽靈芬拂拂
十指間奇境幽虛取質實想當蘸墨揮灑下滿幅香霏風
雨疾黃月疎林冷硯屏淡煙紫几流細帙翠石橫塞得蒼

潤數點經營化工畢香溪溪上我書堂簷外繁枝等比櫛
畫中花似鏡中看真花反怕遭沈汨白鶴飛鸞三素雲玉
妃終古無靈匹

秋夜宿靜然上人房題壁

心燈宵炳佛燈明一息堅除百慮搜磬韻經聲同寂寂恰
聞落葉證無生

將遊西山書示同社諸子

庭柯微風搖牆竹濃露滴爲有西山期起辨陰晴色屋角
珠斗縣天心銀漢白四鄰雞未鳴深巷柝猶擊終宵夢不
成及曙寐反適忽聞剝啄聲叩門來速客急起下牀迎拂
衣還整幘紅日照清池回光動齋壁

靈巖人詩集卷一

十

吳企晉泰來邀李丈客山果王鳳喈鳴盛錢曉微

大昕趙損之文哲王蘭泉和曹來殷仁虎集聽

雨篷小飲卽席有作

寂寂園林夜開尊石閣西風池搖月碎露竹帶禽低獨罰
輸棋酒重分詠史題豪情殊未已無奈五更雞

盛丈青嶼錦出示蜀道集卽題卷後

蠶叢闕荒古鑄鑒待詩人劍外青天遠燈前錦字新舟從
三峽落筆借五丁神恍入連雲去鵲啼聽不真

月

風寒人定露無聲幾度添衣夜氣清九地月光同一片紅
樓偏覺倍多情

蒿里曲三首

一息卽萬古長眠不知曉魚燈耿幽泉之魂餘了了
松楸當鼓吹鬼狐訂交游懊惱笑人世樂哉有斯邱
北邙冢漸平草深沒尋處月黑雨淒淒微聞翁仲語

贈顧行人抱桐陳勇先生

精力平生盡典墳眼中餘子日紛紛占星絕學推靈憲解
字真源衍說文載酒花溪雙屐雨攤書松閣半牀雲吟壇
簪盍無同輩每話前游感離羣

菊影

西風江閣月初更黯黯花魂悵落英秋老硯屏寒有色香
橫琴薦悄無聲紙窗燈燼和人淡粉壁霜光耿夢清幾筆

靈巖尺詩集卷一

十二

殘枝餐不得柴桑高節寫分明

夜宿拈花寺

借宿經樓最上重夜分捲幔望前峯雲隨白鶴歸花塢月
與清蟬挂礪松梵唄初停將伏枕佛燈欲盡忽聞鐘紀遊
曉和塵牆句涼草留題墨未濃

米南宮漢玉筆山歌

硯屏冷帶芙蓉色扶寸瓊嵐爭劣崩土花斑璘古漆蝕匿
影文房伴子墨漬血凝脂製樣精吟牀靜對一編青來從
萬里于闐境刻作三峯華嶽形珊瑚品重徐家筆几席光
分韓子檠瑰寶留爲奇士有何年落在海嶽仙人手巧偷
豪奪未能知虹月船中結契久癖愛或曾袍笏拜洞天一

品應同壽潑墨雲霞散碧江金焦兩點排作窗中岫閱世
流傳到玉峯寒門智守挈餅同連城價許伴荆璞故物天
教得楚弓蠅頭鑄有元章字錦綳什襲稱珍祕古香蘭紙
寫樂兄予家藏南宮樂兄帖真蹟名石螺鬟供列翠山齋靈壁巨石背鐫米書列翠二字摩挲清
玩暗銷魂月滿松寮悄掩門銅龍慘淡冰蟾泣爲有名賢
手澤存

和諸竹莊世器表兄村居詩

屏迹煙村萬慮消數椽茅屋枕溪橋日光穿竹黃金碎山
影沈波綠玉搖纖就蒲團禪可學釀成桑落客堪招耦耕
異日吳淞岸吟罷仍思抱甕澆

歲暮山齋題壁

靈巖尺詩集卷一

十三

羊裘曉禦北風涼山滿吟樓書滿牀不掃庭因殘雪在急
開窗爲早梅香晝閒向客抄琴譜歲晚呼童峙鶴糧此日
清光須領畧坡仙名語最難忘

雜詩

一事未知乃吾儒恥事事盡知誰測物理靜偃林泉博涉
書史一耒一竿伊呂差擬不逢明時耕釣老死

雲行太空不知西東一縷萬變變化隨風人生窮達安有
成蹤淮陰袴下諸葛隆中琴聲劍影草草英雄

紅梅

薄暮開時倍有情斜陽一色不分明深庭莫謂無人識猜
著紅兒是小名

綠萼梅

冷蕊疎枝畫亦難西廊鎮日捲簾看此間不似人間世青女臨風御翠鸞

自題慈闈授詩圖四首 有序

沉甫十齡母氏口授毛詩爲講聲韻之學閱一二年稍稍解悟繼以東坡集示之口夕復誦遂銳志學詩同里張丈冰如爲繪慈闈授詩圖自題四絕於卷後用志家學所自敬感慈訓于勿諼也

虛齋月冷夜涼天口授毛詩三百篇爲語靈音天籟出不教色相落言詮

碧落光芒射斗魁坡仙遙繼謫仙才須知玉局聲名大原

靈巖山人詩集卷一

三

本都從忠義來

黨籍名爭日月光圖中笠屐托詩狂蘇門源派由慈教綺

齒曾誇學范滂

縮角趨庭抱一經風聲策策撼牕櫺仰窺畫荻恩勤意莫

負秋燈一盞青

餘姚門人邵晉涵編校

靈巖山人詩集卷一

靈巖山人詩集目錄

第二卷 古今體詩

硯山怡雲集

強圉單闕

昭君曲

萬峯寺看梅花作

春陰行

春野行

晚春陪毛紫滄 商巖 先生遊弁園

田家雜興詩十首

讀韓冬郎無題詩因追和其韻有寄

靈巖山人詩集卷二 目錄

一

再和倒押前韻一首

春遊入西崦山村卽景三首

詠靈巖古蹟十二首

日月泉

梧宮

琴臺

醉和尚

錦帆涇

響屨廊

香水溪

西施洞

石城

畫船塢

韓蘄王墓

浣花源

山塘泛舟

清明後一日看桃花作

山居雜詠八首

明鏡歎

玫瑰花

春暮偶成

過治平寺

靈巖山人詩集卷二 目錄

二

學山園歌

靜逸庵

初夏小祇園對雨

同王石亭

釣何畹芳 蘭訪毛羅照 上真因同遊

隆福寺

邀友人石湖看荷花分得杯字

白鶴觀

德雲庵小憩四首

酒旗

歌板

花幔

書檠

古豔詩

秋江詞

燒香曲

秋夜西樓有貽

過湖上寺

淩雲閣望太湖

中秋山館獨坐對月感懷

枕上口占

捉雞行

臥雲庵

靈巖山人詩集卷二 目錄

三

遊小桃源

戲詠泥美人四首

寒夜

長吟

靈巖山人詩集卷二

鎮洋畢沅秋帆一字懷蘅

硯山怡雲集

強園單閣

昭君曲

金莖露冷銅仙愁寂寞容華玉殿秋
繚砌碧苔消履迹美人遠嫁花魂留
披香陛辭一回顧緘怨請行痛誰訴
枉驚豔冷世無雙紅顏翻爲黃金誤
千山落日牛羊回漢月多情出塞來
長門異域總淒絕流光萬里空徘徊
人生難得兩心同爲妾恩深殺畫工
丰容已荷君王賞圖形何必甘泉上

靈巖山人詩集卷二

一

雕輪蓬轉愁無主馬上琵琶作胡語
菱花妝鏡照離顏蟬鬢驚風涕如雨
鴈門關外鴈南飛玉豔金鈿逝不歸
顧影自憐憔悴甚舞腰猶著漢宮衣
龍堆雪壓氍毹重夢魂那戀豐貂雜
臣不戰仗蛾眉紫庭萬古留青冢
秋草傷心不下詭謾嗟香骨委沙塵
請看執扇長捐棄誰識昭陽絕代人

萬峯寺看梅花作

古佛看常低寒梅笑不已卽此證禪
參空色了終始境寂祜萬緣坐憑獨
木几破殿雨三僧龕燈小於米微風
引暗香攪入磬聲裏

春陰行

溼雲堆絮東風緊百舌喚春春不醒
繡閣空凝玉鼎香雕窗失卻珠簾影
樓指明朝值采蘭袂衣重御不勝寒
壁間著潤琴絲緩庭際含滋蘚暈寬
何心獨酌開瑤甕繡畫春光憐斷送
行向林塘看水紋濃煙漠漠花如夢

春野行

昨夜三更走馬樓夢回雨濺鴛鴦瓦
今朝被祿城西亭百尺游絲颺平野
短蘆苗刺碧流吳孃輕蕩木蘭舟撇
波乳燕翻雙影隔霧春山鎖淡愁勝
遊如此年來少曲闌不厭千回繞隄
上裊腰芳草新湖邊人面紅桃小女
牆一抹夕陽斜興盡爭旋油壁車雲
屯碧樹鳴鐘寺柳壓青帘賣酒家獨
憐入夜西園客更漏迢迢情脈脈銀
燭燒殘金卷

靈巖山人詩集卷二

二

荷樓頭占玉涼蟾白

晚春陪毛紫滄商巖先生遊弁園

西鄰竹樹翠烟屯石徑苔錢滿屐痕
布席談深應撰杖下帷業竟許窺園
敦槃江左流風遠鸞鶴曇陽暮雨昏
月淡吟魂招不得梨花如雪掩重門

田家雜興詩十首

避喧厭近市屏迹幽期久予非學稼
人農事心亦究江村屋數塵柴扉面
南畝後植百本桑前栽五株柳疎籬
帶石塘小閣瞰沙阜門絕車馬塵交
密漁樵友日夕稻場閒行歌時負手
興盡獨還家月出斷山口曙光猶未
白鄰翁起飯牛遠村連近巷栖雞啼
不休披衣

倚柴門露草翠欲流負未誰家婦逐隊向田疇斯時錦衾人香夢麗紅樓

一晴春驟煖彌望開桃花好風扇川原靄靄蒸紅霞誰道武陵源遠在天之涯卽此曲溪曲茅茨數十家籬落散雞犬叮嚀足桑麻絕無俗累擾但聞鳥聲譁不見問津人知被白雲遮

清明纔數朝茗芽茁金縷銀釵小村娃結伴向春塢一旗與半槍采采不盈筥亭午始還家家到販茶賈客從何方來自蜀更經楚屨黏棧道雲衣溼潯陽雨祇緣未利求備歷長途苦卻羨力田人足不離鄉土

麥秋候已至茲晨喜快晴處處築場圃連枷響不停村婦

靈巖山詩集卷二

三

習勞慣力作勝健丁牧豎吹竹笛倒騎牛背行菜花黃斷處半塢夕陽明已有催耕鳥煙林一兩聲

數陣分龍雨陂塘水新足巡行隴畝間禾黍連雲綠牆腳臥枯橡蘇痕侵磚礫老農未慣閒入室檢筠簾蠹帙種樹書晨起課兒讀矻矻十年後清陰覆茅屋

沙村晚餐罷月出大于盆農人三五輩追涼楸樹根或自敘筋力或獨誇兒孫一叟稍知古因述幼所聞前代輕民瘼租庸甲令繁青苗未出土朱帖已登門難望全婦豎矧冀餘雞豚

清時薄租稅倉箱比屋屯兒女尙髫髻茶果已論婚蕃殖非爾力須念蒼天恩

霜降稻盡穫賦稅亟輸官所欣時暘雨衣食克苟完問訊親與友富歲有餘歡東鄰居嫠婦垂髫一子單秋末曳屨葛蕭瑟風聲乾自顧心力薄難拯汝飢寒殷勤諭家人早晚餉一簞孤鴻遠天際下上振霜翰日暮靡所託哀唳同辛酸

江鄉小雪天風景真樂土村塾小兒童書聲出環堵煖房壁新泥夫婦相爾汝連困堆黃梁巨甕釀清醅牛醫庸已酬鹽券質方取夜來夢亦清眼前瘡盡補會須具黍雞叢祠賽田祖

歲晚務乍閒遣兒速賓客木脫草堂明堊乾板屋白火煨楸枰鑪座設蒲蘆席池魚及圍蔬自有不煩索盡歡難醉

靈巖山詩集卷二

四

醒招手較雙隻吾儕今不樂東作時且迫請看山橋頭數點寒梅塢

讀韓冬郎無題詩因追和其韻有寄

綺閣標青漢疏窻絕點塵簾旌常罕地鑪灶輒通晨劍齧金螭重釵雕玉鳳新濟尼談未悉周昉畫難真笑日桃花厲嘖煙柳葉顰隔年持別酒計日望歸輪花謝三三徑書傳六六鱗病懷多怯雨離思不宜春守約慵窺宋揚詩抵絕秦慧心原嶽嶽衆口枉津津持已如懷璧藏書愛袖珍長歌聲宛轉小楷格停勻解住雲棲室疑非火食人未曾通一笑楚客在西鄰

再和倒押前韻一首